

تَبْرَاتْ تِيسَّ سَنَاتْ نْ أُرْقَاصْ بُولُسْ إِتِيمُوْثَاوْسْ

1

إِفْ إِزْوَارْنْ

^١ غْ دَارْ بُولُسْ لَيْ سْ إِرَا رَبِّي أَتْ إِكْ دْ أُرْقَاصْ نْ يَسُوعْ لَمَسِيحْ، أَيْتَبِرَاحْ سْ تُودْرْتْ لَيْ سْ إِقاوْلْ رَبِّي إِوْنَا يُومَنْ سْ لَمَسِيحْ يَسُوعْ. ^٢ إِورَأَوْ إِنُو إِعْزَانْ تِيمُوْثَاوْسْ: أَدَكْ إِفْكْ رَبِّي لَيْ يِكَانْ بَابَاتْخْ دْ سِيدِيتْخْ يَسُوعْ لَمَسِيحْ لِبرَكَا نُسْ دْ رَحْمَتْ نُسْ دْ لَهْنَا نُسْ.

^٣ أَرْ تَشْكَارْخْ إِرِبِي لَيْ تَعْبَادْخْ سْ أُولْ إِغُوسْنْ، غَمْكَلِيتْ تَعْبَادْنْ لَاجْدُودْ إِنو، أَرْكِيدْ بَدَا تَكَاتِيْخْ ضَيْبِضْ دْ أَرْ أَلْ غْ طَرْلَأَنُو، ^٤ أَرْ دْ تَكَاتِيْخْ إِمْطَاؤنْ نَكْ، أَوِيخْ رَجَا أَكْ زَرْخْ أَدْ عَمَرْخْ سْ لَفْرْخْ، ^٥ غَمْكَلِيدْ تَكَاتِيْخْ لِيمَانْ إِصْحَانْ لَيْ كِيكْ إِلَانْ، لِيمَانْ أَدْ إِكَنَنْ زَوَارْ غْ جَدَكْ لَوِينِسْ دْ مَاكْ أَفْنِيْكي، وَلَائِنِي حَفَاقْخْ إِسْ كِيكْ إِلَّا كَيْ غَلَادْ. ^٦ مَيَادْ أَفْ أَيْكْ سِيكَاتِيْخْ أَسْرَغْتْ تَكِيتْ نْ رَبِّي لَيْ كِيكْ إِلَانْ، لَيْغْ فَلَكْ سِرْسَخْ إِفَاسْنْ إِنُو. ^٧ أَشْكُو رَبِّي أُورَاخْ إِفْكِي رُوحْ نْ تَكْسَاضْ، وَلَائِنِي أَيْخْ إِفْكَا دْ رُوحْ نْ دُوَاسْ تَايِري نْ وِيَاصْ دْ أَنْبَاضْ غْ إِحْفَنْخْ.

^٨ أَوَا أَدْ أُورْ تِيْحَسَامْتْ غْ أَنْكَاتْ تُوكَأْ فْ سِيدِيتْخْ، أَلَا تَحْسَمْتْ سُرِي نُكِي لَيْ فَلَاسْ إِلَانْ غْ لَحْبِسْ، وَلَائِنِي تَكْلْ فْ لَجْهَدْ نْ رَبِّي تَمْشَرَاكْتْ دِيدِي تَرْفُوقْتْ فْ سَبَتْ نْ لَنْجِيلْ، ^٩ هَانْ رَبِّي أَدَاخْ إِجْنِجمْ إِغْرَاخْ أَنْغُوسْ نُكْ وِينْسْ، أُورْدْ إِسْدْ نَرُورَا مَيَانْ سْ لَافْعَالْ نُخْ، وَلَائِنِي رَبِّي أَيْسِكْرُنْ فْ غُونْشُكَانْ، إِنْعَمْ فَلَاخْ فْ أُودْمْ نْ لَمَسِيحْ يَسُوعْ لَيْغْ تَا أَكْ أُورْ إِتِيُوكَلَاقْ أَمِيَا، ^{١٠} غَلَادْ إِسْبَائِنْ أَخْدْ نَعْمَتْ أَدْ لَيْغَدْ يُوشْكَا أَمْجَنْجَمْ نُخْ لَمَسِيحْ يَسُوعْ لَيْ يِكَانْ تَمِي إِلْمُوتْ، إِسِيْفِيُو أَخْ أَغَرَاسْ نْ تُودْرْتْ إِلُومَنْ سْ تَبْرَاتْ نْ لَنْجِيلْ. ^{١١} نَتَانْ أَفِي يِكَأْ دْ أَبِرَاحْ دْ أُرْقَاصْ دْ أَسْلَمَادْ. ^{١٢} مَيَادْ نِيتْ أَفْ صِبَرْخْ إِرْفُوقْتْ أَدْ. وَلَائِنِي أُورْ سِرْسْ حَشْمَخْ، أَشْكُو سَتْخْ مَانُوا سْ أَوْمَنْخْ، حَفَاقْخْ إِسْ إِزْضَارْ أَيْضُوفْ لَامَانْتْ لَيِي يِفْكَا أَرْ أَسْ إِكْرَانْ.

^{١٣} أَمْزْ غْ الْمُودْ إِصْحَانْ لَيْ مَدِري تَسْقَلتْ، تَمَرْتْ غْ لِيمَانْ دْ تَايِري لَيْ يِلَانْ غْ لَمَسِيحْ يَسُوعْ. ^{١٤} گَابِلْ لَامَانْتْ إِصْلَحْنْ لَيْ يِاكْ إِفْكَا رَبِّي سْ لَجْهَدْ نْ رُوحْ لَقْدُسْ لَيْ كِينْخْ إِزْدُغَنْ.

^{١٥} تَسْتَنْتْ إِسِي كُلو فَلَنْ وَلِي لَائِنِنْ غْ تَمَرْتْ نْ أَسِيَا، غْ إِكَا فِيْجَلْسْ أَلَا هَرْمُوجَانْسْ. ^{١٦} أَيْحُنُو رَبِّي غْ أَيْتْ تَكْمِي نْ أَنِيْسِيفُورُسْ، أَشْكُو مَنْشَكْ نْ تَكْلِيتْ أَدِي إِسْفَرْخْ أُورْتْ سَرْكَمْخْ لَيْغْ لَيْخْ غْ لَحْبِسْ، ^{١٧} دْ لَيْغَدْ يُوشْكَا سْ رُومَا، إِكَا كُلو سَرِي غِينْ أَلِيْخْ إِيْ يُوفَا. ^{١٨} أَفَلَاسْ إِنْعَمْ رَبِّي سْ رَحْمَتْ نُسْ غْ دَارْ سِيدِيتْخْ غْ وَاسْ إِكْرَانْ. أَيْلِي كُلو گِيْكِي يِسْكُرْ لَيْغْ لَيْخْ غْ أَفْسُسْ هَنِي تَسْتَنْتْ.

إِفْرُ وِيسَ سِينٌ

كَيْ أَيُّوِي سِيدُوَاسْ إِحْفُ نُكْ سْ لِبْرَكَا لَيْ يَلَانْ غْ لَمَسِيْحَ يَسُوعْ. ² دَأَيْلِي مِ دَرِي تُسْقَلَتْ حَاضِرْنْ أَسْ إِنْكَانْ گُوتِينْ، زَرِيتْ إِكْرَا نْ مَدَنْ لَيْغْ تُومِنْتْ إِزْضَارْنْ أَتْ سَلَمَادَنْ إِويَاضْ. ³ مَاعْ أَنْصِبْرْتْ إِتْرُفُوفْنْتْ زُونْدْ نُكْنِي، تُكْتْ زُونْدْ أَعْسَكْرِي إِصْلَحْ إِلْمَسِيْحَ يَسُوعْ. ⁴ أَشْكُو أَعْسَكْرِي أُورَاتْ إِتَّوِي غْ كَرَا نْ تُوُورِي يَاضْنْ إِغْ إِرَا أَيُّوِي رَضَا نْ وَلِي فَلَاسْ إِلَانْ. ⁵ غُمْكَانْ دْ وَلِي يَتَّرَالْنْ أَيْزَوَارْ وِيَاضْ، إِغْ أُورْ إِضْفُورْ لَقَانُونْ نْ تِرَلَا أُورَا يَامَرْ تَوْشَكِينْ. ⁶ هَانْ أَمْكَرازْ لَيْ يُوتَنْ تَمَرَا أَسْ إِخْصَانْ أَزَوارْ يَامَرْ تَصْغَارْتْ نَسْ غْ لَغْلَتْ. ⁷ سُونْكِيمْ غْ أَيْلِي سْ أَيْلِي تَتِيخْ. هَانْ رَبِّي رَادَاكْ إِسْفَهَمْ كَرِيَگَاتْ تَغَوْسَا. ⁸ إِكتَابِي لَمَسِيْحَ يَسُوعْ لِيدْ إِنْكَرْنْ غْ كَرْ وَلِي مُوتِينْ، إِكْ غْ وَامُودْ نْ دَاوْدْ، غُمْكَلِي يَتَّنِي لَنْجِيلْ لِي سْ تَبَشَّارْخْ، ⁹ أَرْ فَلَاسْ تَرْفُوفُونْخْ إِلِيْخْ غْ إِسْكَرَافْ زُونْدْ إِغْ فَاغْ أَغْرَاسْ. وَلَائِيَيْنِي أَوَالْنْ رَبِّي أُورَا إِتِيُوكِيرِيفْ. ¹⁰ مَيَادْ أَفْ صِبَرْخْ إِكْرِيَگَاتْ تَغَوْسَا فْ سَبَّتْ نْ وَلِي يَسْتِي رَبِّي، فَادْ أَمْزَنْ نَجَا لَيْ يَلَانْ سْ لَمَسِيْحَ يَسُوعْ أَمْزَنْ لَمَجْدْ إِداَمَنْ. ¹¹ إِغْزَانْ وَوَالْ أَدْ لِي يَيْنَانْ: إِغْ دِيدَسْ نَمُوتْ، رَادَاخْ دِيدَسْ نَدَرْ. ¹² إِغْ نَصِبَرْ رَادَاخْ دِيدَسْ نَامَرْ تَكَلَّدِيتْ. إِغْتْ نَنَاكْرْ هَانْ رَادَ أَخْ إِنَاكْرْ أَلَا نَنَانْ. ¹³ إِغْ نَرِزَا لَعَهْدْ نَتَانْ أُورَاتْ إِرْزْ، أَشْكُو أُورْ إِزْضَارْ أَيْنَاكْرْ إِحْفْ نَسْ.

¹⁴ سِيكَتَايْ أَسْنَدْ تَغَوْسِوِينْ أَدْ، تُصُوتَنْ غْ أَمْنِيدْ نْ رَبِّي أَدْ أُورْ تَمْجِيدِينْ فْ إِولِيُونْ. أَشْكُو مَيَانْ أُورْ گِيسْ تَلِي لَفَائِيتْ إِسْ أَكَا إِخْلُو وَلِي يَاسْ سَفَلَدِينْ. ¹⁵ كُنْ كَرَا دَارِكْ أَتَوِيتْ رَضَا نْ رَبِّي، تُكْتْ أَخْدَامْ لِي أُورْ إِتْحَشَامِنْ سْ تُوُورِي نَسْ، أَرْ تَفَسَّارْتْ أَوَالْنْ لَحَقْ سْ غُمْكَلِي يَنَگَا. ¹⁶ تَانْفْ إِيمَجِيدِينْ خَوَانِينْ لِي گَنِينْ صَيِّضَنْ لِيمَانْ، أَشْكُو إِدْ بَابْ نَسْنْ إِسْ أَتَرِيَادَنْ غْ لَكُوفَرْ، ¹⁷ أَيْلِي سَلَمَادَنْ أَرْ إِتَّاغْ زُونْدْ لَجَدَامْ. إِكْ غْ غُويَدْ هِيمِينَائِيسْ دِ فِيلِيُسْ، ¹⁸ غُويَدْ فَاغْنْ غْ أَغْرَاسْ نْ لَحَقْ، أَرِتِينْ: «هَانْ أَسْ نْ لَقِيَاماً إِلَا يَادْ» أَرْ خَلُونْ لِيمَانْ نْ كَرَا غْ مَدَنْ. ¹⁹ وَلَائِيَيْنِي لَسَاسْ إِسْحَانْ لَيْ يَسْرُسْ رَبِّي رَادَاخْ بَدَّا إِغَما، رُشْمَنْ فَلَاسْ إِولِيُونْ أَدْ: «رَبِّي إِسْنْ وَلِي گَنِينْ وِينِسْ»، د «كُولْ مَيَادِرْنْ إِسْمْ نْ لَمَسِيْحَ إِلَا فَلَاسْ أَيِّضُو دَكَارْ». ²⁰ وَلَائِيَيْنِي تَكَمِّي مَقُورْنْ أُورْدْ إِرْكُوتْنْ نْ أُورْغْ دَنَقْرْتْ كَا أَكِيسْ إِلَانْ، وَلَائِيَيْنِي أَلَا وِينْ أَكْشُوضْ دْ وِينْ إِدْقِي لَانْ گِيسْ، كَرَا گِيَسْنْ إِكَا وِينْ كَرَا نْ إِزْمَازْ، وِيَاضْ گَانْ وِينْ كَرِيَگَاتْ تَسَاعْتْ. ²¹ إِغْ إِسْغُوسْ يَانْ إِحْفْ نَسْ غْ مَيَادْ لَيْ يَهْرُسْنْ، رَايِكْ أَرْكُو لَيْ رَايِسَخَادَامْ بَابْ نَسْ غْ كَرَا نْ إِزْمَازْ، أَشْكُو إِكَا وِينْ رَبِّي يِلي فْ تَكْلْ أَيْسَكَارْ كُولْ مَيَعْدَنْ.

²² أَمَّا شَهَوَاتْ لَيْ تَوَيِّنِينْ إِعْزَرِينْ رَكَلْ گِيسْتْ، تَضْفُورْتْ مَايِصْلَحْنْ دْ لِيمَانْ دَتَايِري دْ لَهْنَا كَيْ دْ وَلِي أَقْرَانِينْ إِسِيدِيَتِخْ سْ أَوْلَانْ غُوسِنِينْ. ²³ تَانْفْ إِيمَجِيدِينْ خَوَانِينْ لَيْغْ أُورْ إِلِي يَاتْ، أَشْكُو طَرِيطْ كَادْ

تَوِينْ، ٢٤ إِسْمَكْ نْ رَبِّي إِخْصَاتْ أَدْ أُورْ إِطْرِي، وَلَائِنِي إِخْصَاتْ أَيْلِي لَخَاطْرْ إِمْدَنْ كُلُوتْنْ، إِكْ وَادْ إِرْضَارْنْ أَيْسَلَمَادْ، يِلِي كِيسْ صِبْرْ، ٢٥ أَرْ إِنْتَصَاحْ وَلِي كَنِينْ ضِيَضْ نِسْ سْ لَخَاطْرْ، إِغْ إِتِيَافَا أَدَاسْنْ يَلُوسْ رَبِّي أَدْ أَصْوَنْ سْ أَغْرَاسْ إِسَانْ لَحَقْ. ٢٦ دُويِنْدْ كَسْنْ إِخْفَاؤْنْ نِسْنْ إِلْمَدَافْ نْ إِيلِيسْ لِيَتْنْ يُومْزْنْ فَادْ سَكَارْنْ أَيْلِي يِرَا.

3

إِفْرْ وِيسْ كِرَاضْ

١ إِسَانْ إِسْ رَادْ أَشْكِينْ كُرَا نْ إِزْمَازْ شَقَقِينْ غْ أَسَانْ كَرِنِينْ، ٢ رَا كِيسْنْ حُوبُونْ مَدْنْ إِخْفَاؤْنْ نِسْنْ، حُوبُونْ لَمَالْ، يِلِي كِيسْنْ لَكِيرْ، أَرْ تَعْنَانْ سْ إِخْفَاؤْنْ نِسْنْ، أَرْ سَوَالْنْ أَوَالْ نْ تَرْكَامْ ، أُورَا سَقْلِيدِنْ سْ وَلِيَتْنْ أَرُونِينْ، أَرْ تَكَارْنْ أَجْمِيلْ، لَسْنْ، ٣ أُورْ كِيسْنْ لَخَانتْ، أُورَا تَصْمَاحْنْ، أَرْدْ سَكَارْنْ كَارْ فْ وِيَاضْ، أُورْ حَكْمَنْ غْ إِخْفَاؤْنْ نِسْنْ، فَلْسْنْ، أُورْ أَتِيرِينْ مَايِصْلَحْنْ، ٤ كَنْ إِمْغَصَارْنْ، أُورَا سُونِكِيمْنْ إِمَارَا يِجْرُوْ، كَانْنْ إِخْ غِيَوَانْ، عَرْوَنْتْ دَارْسْنْ تَمَمِينْ أَكَارْ نْ رَبِّي، ٥ بِرَانْسْنْ أَرْ سَرْسْ مَالَنْ إِسْ كَصُوضْنْ رَبِّي، وَلَائِنِي أَرْ تَكَارْنْ لَجْهَدْ نِسْ. زُونْدْ غُويْدْ بَضُو دِيدْسْنْ. ٦ أَشْكُوْ كُرَا غْ غُويْدْ أَرْ كَشْمَنْ سْ تَكْمَا، أَرْسَحْكَامْ غْ تَمْغَرِينْ لِي أُورْ طَفِينْ لَعَقْلْ رُوزِينْتْ سْ دَنُوبْ، زُونْتْ غْ كُرِيَگَاتْ رَهْضْ نْ شَهَوَاتْ. ٧ أَرْ بَدَا تَلَمَادِنْتْ، مَنْشَكْ أُورْ جُونْ رَضَارْنْتْ أَدْ إِسَانْتْ لَحَقْ. ٨ غَمْكَلِي يِنْكَا أَسْحَارْ يِنِيسْ دْ يَمْبِريِسْ ضِيَضْ نْ مُوسَى، غَمْكَانْ أَسْ كَانْ غُويْدْ ضِيَضْ نْ لَحَقْ. لَعَقْلْ نِسْنْ إِلَسْ، لِيمَانْ نِسْنْ أُورْ إِصْحِي. ٩ وَلَائِنِي أُورَانْ كَسْنْ يَاتْ، أَشْكُوْ لَخَلَوْتْ نِسْنْ رَادْ تَبِيَانْ إِكْرِيَگَاتْ يَانْ، غَمْكَلِيدْ تَبِيَانْ لَخَلَوْتْ نْ سِينْ أَدْ لِي فْ نَسَاوَنْ.

١٠ كَيْ هَتِي تَسَنْتْ كُرِيَگَاتْ تَغَوْسَا فْ أَيْلِي سَلَمَادْخْ، دْ مَمْنَكْ أَسْ تَتَصَرِّيْفْخْ، دْ مَيِّنْ إِكَانْ، تَسَانْتْ فْ لِيمَانْ إِنُو، دْ صِبْرْ إِنُو، دْ تَأْيِرِي نُو إِوِيَاضْ، دْ تَمَارَا لِي مِ صِبْرَخْ، ١١ دْ تَرْفُوفْنْتْ دْ إِنْكَازْنْ، زُونْدْ أَيْلِي يِجْرَانْ غْ تَمْدِنْتْ نْ أَنْطاَكِيَا دْ إِكُونِيَا دْ لِسْتِرَا. تَسَانْتْ مَنْشَكْ نْ تَرْفُوفْنْتْ أَدْ زَرِيخْ! إِفْكُوْيِي كُلُو كِيسْ رَبِّي.

١٢ أَشْكُوْ كُولْ مَايِرَانْ أَيْدَرْ تُودْرَتْ إِكَانْ تِينْ رَبِّي إِمُونْ دْ لَمَسِيْحْ يَسُوعْ رَا يِرَرِي تَرْفُوفْنْتْ. ١٣ وَلَائِنِي كَارْ مَدَنْ لِي كَنْدِنِينْ وِيَاضْ رَادْ أَكَانْ تَرِيَادِنْ غْ كَارْ، أَرْجُلُونْ وِيَاضْ أَرْجُلُونْ إِخْفَاؤْنْ نِسْنْ. ١٤ أَمَّا كَيْ أَمْثْ غْ أَيْلِي تَلَمْتْ تَقْنِيَنْ إِصْحَا، تَسَانْتْ دَارْ مِيتْ أَغْتْ تَلَمْدِتْ. ١٥ هَتِي تَسَنْتْ أَرَانْ نْ رَبِّي غَمْنْ لِيغْ تَمْزِيْتْ، نَتِي أَيْرِضَارْنْ أَكْ سَقْمَنْ فْ أَتَجْمَتْ سْ لِيمَانْ سْ سِيْدِيَتْخْ يَسُوعْ لَمَسِيْحْ. ١٦ أَرَانْ أَدْ كُلُوتْنْ رَبِّي أَتَنْدْ يُوزْنْ، فَادْ أَخْ سَرْسْنْ إِسْلَمَادْ أَرَاخْ سَرْسْنْ إِطْرِي، أَرَاخْ إِسْنُومْ أَرَاخْ سَرْسْنْ إِمَالْ أَسْكَارْ مَايِصْلَحْنْ، ١٧ فَايِگْ وَلِي يِكَانْ وِينْ رَبِّي وَادْ إِدْرِبِنْ أَيْعَدْلُ، فْ أَيْسَكَارْ كُولْ مَايِصْلَحْنْ.

إِفْرُ وِيسَ كُوژْ

^١ أَرْكُ تُوصُوخْ غْ أَمْنِيدْ نْ رِبِّي دْ سِيدِيتْخْ يَسُوعْ لَمَسِيحْ لِي رَأِيُوتْ لَحُوكْمْ فْ وِلِي تِرْنِينْ أَلَا وِلِي مُوتِتِينْ، إِغْدِ يُوضَا أَيمَلْكْ غْ تُكَلِّدِيتْ نِسْ: ^٢ أَدْ تَبْشَارْتْ سْ وَوَالْ نِسْ. تَوِيتْسْتْ غْ مِيَانْ غْ لُوقْتْ أَلَا بَلَا لُوقْتْ. طَرِيَتْنْ، أَرْتْنْ تُوصُوتْ، أَرْتْنْ تَرْعَامَتْ، تَصِيرْتْ بَهْرَا إِغْ أَتْنْ تَسْلَمَاتْ. ^٣ أَشْكُو رَادْ أَشْكُنْ كِرَانْ أُسَانْ لَيْغْ رَأِيشْقُو فْ مَدْنْ أَدْ سَفْلِيَنْ سْ الْمُودْ إِصْحَانْ، وَلَائِنِي رَادْ ضَفُورْنْ كَارْ شَهْوَاتْ نِسْنْ أَرْدْ تَوِينْ إِسْلَمَادِنْ لِي رَادْ أَسْنْ إِسْوَالْ فْ أَيْلِي رَانْ إِمْزَكَانْ نِسْنْ أَدَاسْ سَقْلَدْنْ، ^٤ أَرْتْقَنْ إِمْزَكَانْ نِسْنْ أَدْ أُورْ سَفْلِيَنْ إِلْحَقْ، أَرْ سَفْلِيَنْ سْ إِمِينْ. ^٥ كَيْ مَاعْ أَبَدَا تَبَاطَ غْ إِخْ فْ نَكْ، تَصِيرْتْ إِتَمَارَا. تَمَاغْتْ أَتَسْلَكْمَتْ تَبَرَاتْ نْ رِبِّي. أَرْ تَسْكَارْتْ تَوُورِي نِسْ غَمْكَلِي گِيكْ تَرَا لُوقْتْ.

^٦ أَمَا نَكْيِي رَادْ سَبْلَخْ إِخْفْ إِنُو زُونْدْ تَغْرِصِي لِي مِفِينْ إِدَامَنْ نِسْ فْ أَمْغَرِيَصْ، تَلْكَمِي لُوقْتْ أَدْ فَاغْ أَكَالْ. ^٧ مَاعْ تَمِيغْتْ إِفُولِكِينْ، كَمْلَخْ تِرَلا، أَمْرَخْ غْ لِيمَانْ، ^٨ غَلَادْ أَرْسِري تَقْلْ تُوشْكِينْتْ لِي يِكَا رِبِّي إِولِي إِزْكَا، تَلِي رَايِي يِفْكْ سِيدِيتْخْ غْ وَاسْ أَنْ، نَتَانْ لِي يِتْحَكَامَنْ سْ لَحَقْ، أَورْدْ نَكِي كَا أَمْ رَايْفَكْ تَسْمُغُورْتْ أَدْ، وَلَائِنِي رَاسْتْ إِفْكْ إِولِي كُلُو سَرْسْ تَقْلِينْ گِينِينْ گِيسْ رَجَا أَدْ يُورِي.

^٩ مَاعْ تَحْرُوتْ أَدْ دَرِي تَاشْكَتْ، ^{١٠} أَشْكُو دِيمَاسْ إِرَا دُونِيتْ أَدْ إِفِيلِي يِمُودُو سْ تَسَالُونِيَكي، غَمْكَلِي يِمُودَا كَرِيسْكِيسْ سْ غَلَاطِيَا، إِمُودُو تِيطُسْ سْ دَلْمَاطِيَا. ^{١١} لُوقَا وَحْدُوتْ أَدِيدِي يَعْمَانْ. مُونْدْ دَمَرْقُسْ أَشْكُو رَادِي بَهْرَا يَاوْسْ غْ لَخْدَمْتْ. ^{١٢} أَمَا تَيْخِيَكُسْ هَانْ أُورْزَنْخْتْ سْ أَفَسُسْ. ^{١٣} أَوِيَيْدْ أَسْلَهَامْ إِنُو لِينْ فَلَخْ دَارْ كَارْبُسْ غْ تَرُواسْ، دَوَرَاتْنْ إِنُو أَلَا نَتِي أَبُهُومْ وِلِي گِينِينْ وِينْ إِلْمْ. هَانْ إِسْكَنْدَرْ بُو وَأَنَاسْ إِكْوَتْ لَعَارْ لِي گِيَكِي يِسْكَرْ. وَلَائِنِي رِبِّي رَادْ أَسْ إِخْلَصْ فْ لَاقْعَالْ نِسْ. ^{١٤} ضُوفْ گِيسْ إِخْ فْ نَكْ أَلَا كِي، هَانْ إِكَأْ بَهْرَا ضَيِّضْ نْ إِولِيونْ نَخْ. ^{١٥} لَيْغْ بَدْخْ غْ لَمْحَكَمَا أَرْ سَوَالْخْ فْ إِخْفْ إِنُو تَكْلَتْ إِزْوَارْنْ أُورْ دِيدِي يِيَدْ حَتَّا يَانْ، رُولِنْ كُلُو فَلِي. أَتَنْ أُورْ إِحَاسْبْ رِبِّي فْ مِيَانْ. ^{١٦} وَلَائِنِي سِيدِيتْخْ إِيَدْ دِيدِي إِفِكِي لَجَهْدْ، فْ أَكُلُو بَشْرُخْ لَكْنُوسْ أَدْ سَقْلَدْنْ إِتْبَرَاتْ نْ لِنْجِيلْ كَلُوتْ، إِفِكُويْ غْ لَمُوتْ زُونْدْ إِغِيدْ إِكْسْ إِيمِي نْ إِزْمْ. ^{١٧} سِيدِيتْخْ رَايِي يِقُوكُو غْ كُولْ مَايَهْرُشْنْ، يَوِي غْ لَامَانْ سْ تَكَلِّدِيتْ نِسْ نْ إِكْنُوانْ. أَدَاسْ يِلِي لَمَجْدِ تِينْ وَبَدَانْ. آمِينْ.

^{١٩} سَلَمْ فْ فِرِسْكَا دَأَكِيلَا دَأَيْتْ تَكْمِي نْ أُنِيسِيفُورُسْ. ^{٢٠} أَرَاسْتُسْ هَانْ إِغَما غْ كُورِنْثُوسْ. أَمَا تُرُوفِيمُسْ فَلَخْتِينْ غْ مِيلِيَتْسْ يُوضَنْ. ^{٢١} مَاعْ أَدْ دَرِي تَاشْكَتْ إِغْتَا أُورْ تَكْشِمْ تَكْرَسْتْ. أَرْ فَلَاكْ إِتَسْلَامْ أَفْبُولُسْ دَبُودِيسْ دَلِينْ دَكَلَافِيدِيَا دَأَيْتَمَاتْنْ كُلُوتْنْ. ^{٢٢} أَدِيدِكْ يِلِي سِيدِيتْخْ يَسُوعْ لَمَسِيحْ تِلِي دِيدُونْ لِبرِكَا نِسْ.